

宋詩紀事補遺

宋詩紀事補遺卷之七十三

歸安陸心源伯剛父輯

陳梅所

景定時人

游淡山巖

天下人知此一巖霜清杖履雅宜閑閩峯儘有堪怡
處猿鶴多時望客還

零陵縣志金石

徐幾

字子與號進齋崇安人嘗與詹琦築靜可書堂
于武夷博極羣書尤精于易自晦翁之後理學

之傳獨臻其奧景定間廷臣交薦以布衣召對
詔補迪功郎遷建寧府教授兼典建安書院撰
經義以訓多士宇內尊之稱曰進齋先生度宗
卽位授崇正殿說書

獅子峯

舉首朝天據洞扉怪形蹲踞類狻猊山中彈壓無豺
虎留得孤猿半夜啼

武夷山志

靈巖一線天

石上烟消綠蘚班幾人車馬此盤桓誰知一線通天
處照見人心萬古寒

武夷山志

天壺

老松壓石洞門聳青蘿曳樹牽雲影天然物外清修
地巖頭殘月沈丹井

武夷山志

曾因

字廣微南豐人景定間知新昌有詩聲且優于政終於安南

疎山

草徑蜿蜒十里間雲關若在畫圖看萬松密翠地無影一水長清空自寒

宋詩拾遺

張伯子

景定中江寧令累官南安軍兵馬鈐轄

視旱田賦呈上元簿楊明卿

輪啼旦旦風塵表入眼羣山青未了刺藤迎日子先
紅蕎麥得霜花漸老叢祠詭怪畫村墮古寺騫騰出
林杪征衫多次逐飛鳶不檐有時隨宿鳥初晴得去
恨遲遲獨夜不眠憂悄悄公如老驥暫伏櫪我類游
儻終屈沼一朝王事有期會百里民情同探討詳于
禹貢辨等級明似離婁燭幽眇高依邱壘或微收低
近陂塘翻盡槁凶荒有數合均一報應于中又分曉
不能究實害匪淺倘使從寬恩豈小茲行到處欲春

風批放莫教分數少

景定建康志

劉錫

景定間永嘉人

自濂溪游浯溪

興廢由來只靠天三郎往事亦堪憐湘江直下浯溪
上翕霍于今五百年

湖南通志
金石畧

詹復

字仁仲崇安人景定間登第知金華縣因母憚
遠涉遂致仕

小桃源

遠尋瑤草到仙家衝破雲間一片霞道士不知興廢事又來溪上種桃花

武夷山志

趙日嚴

景定時人

遊黃山留題

半空嵐翠滴樓臺物象冥搜入翦裁雲散峭峯殊華嶽僊留靈跡勝天台丹砂水暖巖前湧紫朮花香洞口開爲問神僊住何處寄詩還許到蓬萊

黃山志

劉端之

字菊齋簡州人光祖長子

雨花臺

六朝宮苑帝王州何事興衰若置郵可是戰爭收拾
後却將歌舞破除休千門盡鎖梧桐雨萬堞深籠薛
荔秋試陟雨花臺上望夕陽烟水替人愁

景定建康志

黃莊

理宗時太學上舍生

校書郎彭方迴上札廟堂又投書司諫言內
侍董宋臣作詩美之

廬陵間氣歐陽公宗主文脈魁蘭宮給札詔來簡眷
濃職居館閣譽隆望聖明天子是仁宗拔賢招俊萃

羣工希文何爲去凶凶諫官不言祇蔽蒙惟公壁立
秉精忠獨抱鯁論心忡忡顯責若訥極匪躬飄然夷
陵凜高風高風凜冽誰能同地靈人傑國不空魁名
自見六一翁翱翔天祿名尤崇忠肝義膽何其雄憤
彼陰邪後內訌崇論宏議要力攻責彼諫者達四聰
摧姦擊佞深有功吁嗟眾目皆如蒙劃然見此光瞳
瞳吁嗟眾耳塞如聾轟然聞此聲源漸丹心一片對
穹窿名齊歐老壓岱宗賴有諫臣鑒由中賢相意與
公議融全名不作夷陵窮公心豈計窮與通使我躍
起激懦衷賢哉兩魁碩且洪仁山突兀文水淙

唐士恥

金華人仲友之猶子以蔭入仕理宗時累官臨江軍建昌軍司理

送臨江交代張司理

予房帝王師溢慶流裔孫竭來之蕭灘快覩芝眉溫亭亭起黃氣中有陰德存宜哉孔融表輜輶排天闢通籍何足道履聲還青檀嗟我一何幸夤緣踵符文自顧非且愚續貂誠所難承顏一甲子夙昔披晤言柳濃烟冥冥鷁舟江吐吞順流急如箭催鼓且勿喧爲語徒作惡且盡沙頭尊

題彭紹墨

彭紹之墨玄又玄問誰得法託之仙凌煙膠漆有三昧魯直之什曹洞禪我欲大振獅子吼直恐驚龍象筵紛紛是事但且置一言爲語千金廉唐人五字魂遶天箕歛四大歸新篇空餘句法落寰海豆箕不覺相熬煎中原可復墨可黔鬢絲白髮知何年

笋乾

此君風味殊不薄莫笑當年煮筭人坐使普甯增譜字遙知端是壓前新

程潤

字允夫初字欽國號克菴婺源環溪人朱子內弟仕爲衡陽主簿吉州錄事參軍所著有尊德性齋集十卷三蘇紀年十卷見本傳

送楊文父還醴陵

君家江西我江東相望雖遠聲氣同一行作吏湖湘上數面成親談笑中君思松竹行色動我困簿領蜚塵蒙他時登高倘有賦莫忘江頭回鴈峯

過分水嶺

相與振衣千仞岡浩歌莫惜且徜徉風來閩徼不知遠山接吳天如許長裘弊且將雲作氅囊羞猶可墨

爲莊眼明更向西南望依約家林傍夕陽

白竹橋

向來過此日流金今日重來雪滿林輕乘簾瓢貪斗
粟區區奔走媿初心

劉寺簿暇日出郊按視貢院安養院漏澤園
南教場飯于花藥寺用韋蘇州韵賦詩

史君抱孤韵勝日成獨遊聊循七里郭一賞千林秋
射圃旣徘徊澤宮重咨嗟孰生病我療孰死骨我收
遐觀興未窮小憇山更幽昔人事登覽不憚道里悠
而我縛微官抗塵苦淹留何當奉杖屢崇論排田駒

以上新安文獻志

張允迪出示方清老詩用韵簡之

十里五里聊幽尋遠山近山相對陰煙雲變態晚逾
好竹樹葱蒼秋未深故人見我喜欲舞倚杖共看鴉
投林呼兒秉燭語清夜烟燭君應識此心

伯羽許見過雨不果

結廬在溪上觸目皆可娛嗟予亦何爲悠悠事征途
鄉閭駕言歸計日抵舊廬春風百花老遶屋桑柘疏
念無肯來人間庭日荒蕪之子獨有期猶以雨意拘
人生感離合惡懷固難舒寄言我懷人念我當焉如

送陳求仁還永嘉兼寄劉孝移

往年予初山丞坐上屢聞君姓名那知流落天一角一笑共挹湘江清地縣賦急員羞具黃龜遐軼空馳溯催科撫字兩勤勞古道羨君今獨步耒陽之水化理濡耒陽之人何于于疏梧細柳白日淨唯有聲氣與君俱君今快展摩天翮會看赤手扶羲御煙波渺渺正愁予萬里瀟湘未歸去河陽當日桃花紅主人好客樽不空相逢倘問衡陽簿爲說年來憔悴容

次韵趙祖德送李衡陽有感

秋日晒古城秋風來水鄉臨流送歸客離思飛雲揚

銀液深蘸甲金釵儼分行祖行禮雖微善頌意則良
破涕忽成笑欲語旋復忘若人工涉世止沸非揚湯
俛首是非海如居清淨坊一朝脫屣去翩如雁隨陽
三折僅存臂九回無復腸所欣返全璧詎復憂林岡
我本山林人才非錐處囊偶然踢朝市包以冠與裳
誰吹鄒子律自分冰氏涼餘習但文字殘星弄微芒
來時岸柳綠倏見秋葉黃何當首歸途解此名利韁

湖山足佳處與君共徜徉

趙詩云終當訪勇
決湖山足徜徉

次韵劉寺簿臨蒸精舍落成

濂溪當日起南方千載斯文有耿光遺俗至今尊孔

孟後生誰肯學蘇張
賢關莫歎吳天遠
精舍今臨楚水長
試問坐中誰鼓瑟
舞雩風味想難忘

斯文從昔患多方
今日因公晦復光
心法祇傳書一卷
文章那用紙千張
窗前草色沿階翠
川上波流極目長
此意更須公指示
後來一月無忘

益公得牡丹狀如雙魚者以花嬪目之且賦詩俾子屬和

妝鏡臺前酒一卮
風流從古說楊妃
誰令山鬼欺紅粉
卻與花王司御衣
比儗莫嫌魚共貫
輕狂猶勝燕爭飛
老生無分陪清賞
空想鄒枚他夜歸

以上見尊德性齋小

集

程夢子

理宗時宣城人

梅巖

烟中修竹列千竿空裏疎花未可攀喚醒羅浮山下
夢江南還有廣南山

其二

進步如升百尺竿夕陽儘我此躋攀梅花落盡雨初
歇猶有餘香染碧山

樂平縣志

程炎子

字清臣宣城人理宗時隱士有玉塘煙水集案
甯國府志載程炎水西寺詩云炎涇縣隱士有
煙水集應卽炎子而志誤脫子字也

餞周東嚴之石門訪汾陽氏并呈友人

漫浪江湖脚周遊到石門能迎徐孺子知有令公孫
話雨燈輝座醻春酒濫樽況逢朋友在一見必溫存

四安舟中

多行三兩日猶在四安舟天正當寒夜人偏作遠遊
風高雲葉動江闊浪花浮會得幽閒趣唯應是白鷗

次郡太守劉朔齋秋晚謁謝朓亭小飲

鞭搖五馬踏沙隄秋晚除書下紫泥蘚壁篆碑猿捧硯松關吟句鶴分題裴休改宅今爲寺謝朓閒官昔仕齊太守宴歸賓客從數聲山鳥日平西

暮春

花飛簷雨恰經旬
強半韶華斷送頻
三月便晴三十日
一年只有一分春
酒甘不飲心如醉
詩若耽吟味越真
欹枕北窗清夢覺
落紅啼鳥伴幽人

登新安五嶺

五嶺崎嶇一步難
白雲兼霧羃中間
行人莫道山多險
更有人心險似山

江湖後集

朱詩卷之三十一
桑世昌厲有

寄丹邱林詠道

用林靖韵和

小別俄驚歲屢周，尺書每每寄江頭。
逢時共歎君肥遯，投老誰憐我倦遊。
書足三冬應潤屋，詩成千首必輕侯。
一尊縱負東湖約，尙及黃花碧樹秋。

天台別編

夜對巾山塔燈呈史君李孟達寺簿

光明臺畔舊曾逢，何自飛來碧海東。
未問眼根齊等級，要先心地證圓通。
入還究竟千光合，四面回旋一視同坐想。玉霄風月夕，超然清對一詩翁。

天台別編

王予可

字南雲金正大間河東吉州人嘗隸軍籍年三十許大病後忽發狂久之能把筆作詩文多六

經中語及韵學家古文奇字遇宋譯必避之麻九疇張穀與之游甚狎壬辰兵亂爲元將領所得館于口州之瑞雲觀數日卒金亡後復有見於淮上者金史隱逸有傳

凌霄

啼鳥倒銜金羽舞驚蛇斜傍玉簾飛浩然齋雅談

題靈隱寺

遊山無處浣塵埃出郭尋幽入翠苔眾水盡從雙澗

去一峯元自五天來行春人散題名在坐夏僧閒聽
講回清磬一聲猿鳥寂石楠花落滿經臺

浩然齋雅談

章康

厲有

秋興

有客凋雙鬢吟秋費幾詩天高鳥去疾雲薄雨來遲
日落山川迥風回草木悲追尋十年事伫立獨多時
遷居親戚携酒見過

老吾元住雪邊崖萬事無堪兩鬢華頃歲西河方借
宅今年東野又般家巷深正恐難邀客地空何妨學
種花多謝所親相暖熱新生涯卽舊生涯

以上詩苑眾芳

唐彪

理宗時人

訪莫道人不遇

羅浮老人雙鬢青抱一息踵詣黃庭秋深何處采芝

朶我來但見松山局

羅浮志

杜子更

宋季人與杜耒子野弟兄

致爽軒

西鄰東老總爲虛料想君家樂有餘白酒黃金都是
幻爭如好客與收書

與地
紀勝

杜去輕

字端父旃之子永嘉人與旗子去僞游子去非
燧子去華皆有文名

香入雲爲高子章賦

山麓有庭存古意不種凡花惟種桂苔封蘚剝逎鱗
皴雪勁霜頑聳蒼翠栽培豈解一日成愛惜至今猶
不易來人不必問典型對此儼然前輩是樹前翁仲
不可求樹下子孫能幾世子孫立足滿庭除前人於
此見心事近年喬木幾家存是中林壑何陰翳前人
種樹愛讀書種時已喻書中義後人讀書念前人對

樹類能歌蔽芾八月九日秋風高金丹變化乘飄飄
朝元顧祖歸寒殿仙香直入千雲霄老兔癡蟾閑鼻
孔奏徹虛皇應得寵虛皇錫賚萬瓊瑤賞君愛護月中種

蘭溪縣志高子章世業儒鈍魯矜持少與人說文章晚年忽謂其友杜端父曰吾先世封樹之地兩桂當庭屹若古君子對之則往昔之典型嚴然吾取蘇文忠公何氏讀書堂語扁曰香入雲子其爲吾賦之端父隨古近體云緣會分明種故發入雲香子章曰是矣請更散語端父再屬長篇云云

李伯圭

理宗朝廬陵人

送胡季昭謫象州

伏馬總爲芻豆謀孤忠婺緝不勝憂事當言路官無
小理未安時心肯休千古綱常增砥柱一身去住等
虛舟惡鴟僕任陵鸞鳳贏得清名雪外州

又挽胡季昭二首

危言不畏觸干戈瘴雨蠻煙換玉珂今古廬陵兩胡
老是非儕耳一東坡拳拳抗志甘三已惻惻招魂聽
九歌信得平生稽古力初心不爲履朝韓

聖朝寬詔下龍墀盡放羈臣脫串羈痛失長沙賈誼
舍空存渤海退之祠孤忠元自輕生死白骨蠹知問

去歸萬里江山丹旐返悲風一掬淚沾衣

以上見象臺首末

李庭芸

理宗朝人

挽胡季昭

綠鬢兩科好忠言一片忠言言關國體蹇蹇匪渠躬
誰謂鴛行底能持鯁諭公象臺死得所萬古憶清風
玉李當春盡公書以訃聞但期同氣骨不作異鄉墳
豈料蟠音後俄傳蝶夢云想敎寧越水恨不識朱雲

見象臺首末

李檮

厲有

跨鼈亭

紫金高處是鼈頭獨負華堂幾百秋形勢平吞北夢澤規摹雄峙南司州三關設險知無敵八相風流孰與傳

鳳凰臺

令人却憶保寧寺二水三山李白詩

車蓋亭

白兆山高相掩映紫金氣象轉深幽水西咫尺無人到乘興何妨一葉舟輿地紀勝

廖信孫

理宗時人

次朱子蓮花峯韻

石蕊天然不可攀八風莫動却真頑我心匪此花能
並十丈何如方寸寬

泉州府志

思古堂

深入林泉避世喧幽人已往迹空存登臨懷古懷何
事山不能膺石不言

我來未暇訪疇昔先拜文公戲鐵畫盤桓上下坐忘

歸月影婆娑散林隙

泉州府志

葛起文

字君容理宗時丹陽人起耕之弟

遊黃山寺

偶爲尋幽出扶筇亦懶拈鶴巢依古塔燕語入虛欄
筆下詩初就樽中酒屢添此遊堪喜處膝上一掀髯

詠竹閣

歲寒編竹閣蠅宿度窮年日暴南窗紙風垂北戶簾
鑪深全火氣鐺小聚茶煙爲索梅花笑微醺步矮簷

寄嶺道中

屨穿蒼蘚滑水複更山重有圃春偏晚無人碓自春
亂雲生峭壁一鳥沒高峯隨處桃花發仙源似可逢

深院

深院人閒酒淺斟。日長簾幕自沈沈。梅花可是因春瘦。
洗雨梳風太不禁。

以上江湖後集

鄧允端

字茂初臨江人

古樂府

梧桐葉落秋容早。夜夜寒蛩泣衰草。鳳釵金冷鬢雲凋。
可惜紅顏鏡中老。音塵望斷沈雙鯉。喚起相思何日已。
瑣窗人靜月輪孤。六曲屏山冷如水。

過處士山齋

一室蕭疎甚禪牀印佛宗樹陰生石蘚茶鼎帶松風
去去水千里行行山幾重佩琴與詩卷回首翠微中

遺興

得志心偏壯謀生事轉疎雨蓑春種藥月案夜抄書
窮達雖同道功名不定居憑誰報消息爲問近何如

秋興

輕烟漠漠鎖晴嵐野水溪邊小駐驂日暮征鴻落何

處似將風景過江南

江湖後集

朱士麟

字在樂理宗時知秀州

光福寺二首

不辭暑汗透官裳亟拜靈祠爲亢陽與佛有緣憑佛
力于心無愧爇心香崇朝霧霈施霖雨千里歡欣飽
稻梁老吏兩年蒙潤澤詩成借筆託僧房

乍口便覺怯衣裳且駐歸舟傍夕陽連日雨花多聽
雨今年香積又炊香幸憑佛力成因果消得詩人詠
稻梁殼核已無尊有酒就溪帶水擘蓮房嘉禾志

蕭泰來

厲有

和崔丞勸農

昨宵雨過水平平自不歸耕却勸耕犢臥草根黃蘊

藉鶯飛山腳白分明淪茶僻寺同僧話送酒芳園見
主情父老歡呼官長醉歸鞭止信馬蹄行

瑞州府志

蘇洞

厲有

到馬塍哭堯章

錄二

南宮垂上鬢星星畢竟襯衫不肯青除却樂書誰殉
葬一琴一硯一蘭亭

兒年十七未更事曷曰文章能世家賴是小紅渠已
嫁不然啼碎馬塍花

王千里得晉獻之保母碑及研索詩

客從王家來示我王家物云是彼樵者墾山之所得

升沈有時節至寶不浪出祖先暨兒息嗜好俱第一
青氈未渠失近代無此筆觀其逼人處造次神品入
石遺半缺齧行草百十七昭陵不可及季孟精爽集
天地倏開張鬼神爲之泣泓也玉璧姿肯爲泥沙沒
嗚呼黃祊殉人事止枯骨臨池例飲墨有底鷺領識
夫君矧其後妙契過漂石居然今視昔年數正八百
碑云後八百載知獻
之保母宮于茲土

癸亥歲五月望日紹興獄有罪人十二逃以出
勢甚恐官吏相顧失措府出軍追至山陰界上
魯墟獲其八翌日以其二尸諸市先是有諸暨

縣民孫破面者以鹽販傷人既卽刑又他日某
卽刑今死者斯張氏第六又其黨之雄也又有
唐花者捕未獲使獲殺之何疑適時天雨未已
邦人不甚安作魯墟行以示在官者

今茲水用事簷雨四十日禱祈徧羣望魚鱉入家宅
小民例煎迫在在絕粒食聖人制邦國休養覬生活
本根者州縣父母資牧伯夫何失其理致使爲盜食
犯之復無赦恐負天地德昨來諸暨變本以鹹故得
有司屢殲戮勢欲與之敵民生各良性豈獨肆凶慝
飢寒迫於後妻子時動色那知刀鋸威乃甚溝壑厄

市人起相戰爭利初敵擊吾非志剽掠解后有其迹
王官亦人耳聞此宜懲惻不然罹憲網無暇謀復出
嗚呼不得已天下蓋非一橫尸類雞狗斬刈遽狼藉
頗聞動官軍餘黨收捕急倘非勸本務有死民不易
是時天復雨省宰到層畢夫民使之飽不飽亦吾匹
丁寧善其生淚下死魂魄

壽陸放翁

年事依稀鬢復青看書細字眼猶明池邊有種桃初
熟籬下曾枯竹再生已覺貂蟬除世念未妨龜鵠伴
詩情日供薪水門人職準擬金丹點鍊成

宋詞卷之三
邊松坐石日從容故國靈光只我公豈有文章高海
內獨將身世老山中丹頭躍筭分明異梅萼含椒却
漸紅千載斯文要宗主不妨留眼看歸鴻

花間乳鹿笑相迎拄杖穿花導鹿行六子子孫俱宦
達三山山水亦聰明論詩何止高南渡草檄相看了
北征帶得門人也仙骨年年來此賀長生冷然齋
詩集

足趙丈句

跨湖樓好客間行身遠紅塵步亦輕月在波心流不
去蒹葭影裡一舟橫

仰屋

仰屋無窮事甘心未遇時雨花明燕羽風葉墮蛛絲
農務從人說光陰類箭移早知霜白髮那免一生癡

得屋後舟中作

棄大屋徙小屋

有屋吾堪老無田子緩求長江惟可飲萬事不須謀
政爾天從欲端因鬼瞰憂平生晏平仲能費幾狐裘

幽興

花氣濕書籤琴風入畫簾綠陰連地黑朱果落枝甜
客去從鶲語人歸問鵠占村居近城郭幽興得相兼

有歎

古屋殘僧住孤墳亂蟻穿山稜人踏滅灘石浪搓圓

毀譽無終日功名有百年予方辜壯歲渠得戀華顚
予頃時有一聯云太飽傷清氣微寒最好詩
葛天民極愛之偶再續成

太飽傷清氣微寒最好詩輕鷗憐野性垂柳讓風姿
拙巧從天賦疎狂聽我爲極知貧者病未許藥能醫
過金陵

飛鴻渺渺覩蒹葭岸紅饒小穗花此是秋光最佳
處江湖何處不思家

高賚店裡主人婆萬福官人問訊和安穩在家能幾
日別時不似見時多

金陵雜興

玉麟堂下柳絲絲過了春風一半時行到水鄉應底事黃鶯飛上杏花枝

朱雀街頭觀闕紅角門東畔好春風人家一樣垂楊柳種入宮牆自不同

江南惺柳拂人頭三月吹花特地愁却憶舊時狂李白題詩曾徧酒家樓

稍經運瀆過潮溝野草閒花觸處愁二十四航春水滿有誰來上此扁舟

小小遊車四面紅美人花貌映玲瓏隨車更有郎行

馬散入鍾山十里松

萬鑰深深侍駕臨府藏戈甲庫黃金規恢畫餅翻增
幣孤負先皇一片心

小小規模似禁中分明夏禹欲卑宮白頭官吏知年
幾猶指屏風說孝宗

五陵歌舞換埃塵地下黃金出尙新碑字已漫青草
死酸風吹殺石麒麟

江風吹面處漫漫二月東風特地寒四十病身誰役
汝小車搖兀過長干

輕風濕濕樹斑斑燕乳鳩鳴春又殘門巷狹斜無不

到有何人似柳花閒

薛師董

字子舒號敬亭永嘉人與蘇洞唱和

秋風

秋風有落枝天籟動墳篋鼓角山河北襟懷歲月遲
阮生狂一嘯漢武老多悲雖有秦歌激終堪理釣絲

後秋風

去年病後詠秋風今日秋風病裏逢好句不曾書落葉孤燈長自守鳴蛩故人音問天來遠茅舍光陰睡正濃江上白鷗忙勝我喫魚引子與潮衝

酬外湖樓詩

小雨潤蔬莢涼風展梧影雲連沙際白天開數峯淨
湖樓百尺高坐覺秋日永寬鋤十畝園餘事一笑領
荷枯水却清桂晚霜未冷誰能悲寒蟹聊忻小蛙鼈
飽客新荳菹駕我雙艤艋放浪誠有道居然惜俄傾

宋詩
拾遺

宋詩紀事補遺卷之七十三

門下士烏程縣學生員李延達校

宋詩紀事補遺卷之七十四

歸安陸心源伯
附文靜齋

蘇濱

字穎叟山陰人洞之弟

耕堂雜興

背鄉不過五十日世事如雲逐段移客裡念家家念客歸來一似未行時

題兄召叟金陵雜興詩後

六朝留寄多恨一士來歌百百詩驅使春風游筆
下窗中情景箇中知冷然齋
詩集

鄭榮

福建福安人理宗時厯端明殿學士同僉書樞密院宋史有傳

獻闕廷

韓陽風景世間無堪與王維作畫圖四顧羅山朝虎井一條帶小繞龜湖形如丹鳳飛啣印勢似蒼龍臥吐珠此處不堪爲縣治更於何處拜皇都

全閩詩話福安福源山下有穆洋宋鄭榮所居宋嘗侍理宗因言其居在北山築有澄菴理宗御書北山澄菴賜之時有分縣之請擇韓陽坂爲治所論未定宋因獻詩云云理宗許之因題扇賜答曰秋思太華峯頭雪晴憶玉山一片雲去國歸來猶未

得詩篇遙
贈北山君

陳宗道

宗道字甯之號九臯南豐人抱才弗偶中壽而
歿弟宗禮嘗作懷臯賦哀之

游麻姑山

千秋雲氣龍猶在午夜松聲鶴自寒仙子偶來成夢
事至今遊客未嘗閒

旅懷

清波渺前灘白鳥下寒渚樵斧空山鳴歸舟夕陽暮
去來風中人明滅雲外樹雙輪何時休愁心此羈旅

送別

江邊出相送君去我當返徘徊未忍還孤帆夕陽遠
洗馬行

玉谿谿頭波綠玉玉谿谿上沙金粟曉雲出馬五花
雲鳴榜齊首橋南浴馬高如屋長如龍四蹄如鐵聲
如鐘青芻幾束粟幾斗豢汝愛汝爭奇功編驥抹刷
解色罷黑面雄兒齊上馬就中一馬不敢騎云是將
軍臨陳者

送戴石屏歸天台

天台四萬八千丈一根直下寒銀浪青蓮老子夜不

眠往往飛魂到其上詩情不減流白雲千載重見戴
叔倫蓮花峯下赤城洞芒屨翻笑山中人秋風孤篁
八九尺老面百摺頰銅色田文席上摩吟龜鵠立蒼
苔烟雨黑我家竹屋棲龍岡夜搗孤月餐寒霜醉騎
白鹿軍峯下一見贈我青瑤璫南山臺前春正好萬
壑千涯清夢曉蒼苔石磴撫闌干往事飛鴻天亦笑
君今東首回牙檣我亦西去凌蒼蒼截江橋南春水
急酒酣不記攀垂楊軍峯江南最高處我上峯頭望
君去歸時定入天台山舉首雲間一相顧

題謝氏西谷

江東風流會稽伯玉壺貯香傾琥珀春風十里東山
雲一局寒楸晚空碧盤盤石磴紅泉仙春夢草斷瑤
池箋蒙葺曲笠雨花濕老屐踏損蒼苔錢雙鸞翩翩
跨元龜月白香魂翠山杳玉蘭千載流芳馨清風凌
厲連紅曉

送寧都陳令

梅花樓頭立晴雪松葉亭根聽夜雨鼴鼯息響月千
山桃李無言春萬樹以上江
西詩徵

羅闈

理宗時人

挽胡季昭用王盧溪韵

虎豹磨牙鬪九關
人心節義不踰閑
監門鄭俠能無懼
折檻朱雲若是班
賴有名留千古重不容
身在衆邪閒忠臣義士骨不在白日青天
敕許還

百世期令固本支
一身寧復計安危
前瞻象郡人方去
後有鶴山人效奇
地接宜陽山谷笑
舟回湘水屈原知
橫中龜玉而今毀
祿位何妨善保持

見象臺首末

羅茂良

理宗時人受業於楊誠齋

送胡季昭謫象州

好讀牀頭易一編盈虛消長總天然崢嶸齒頰皆冰
雪肯怕炎方有瘴煙

頻寄書來洗我愁莫言無雁到南州長相思外加餐
飯記取承君舊話頭見象臺首末

陳郁

厲有

贈絲桐呂能甫兼善墨蕙

子向詩書外尤於藝事優桐絲傳古意蘭墨寫離愁
黃閣能知己朱衣必點頭從來奇特士何患不封侯
贈眼齒科林殷幹

眼必延厥光齒必全厥剛裂皆不足貴所貴者目瞭

穿齦不足畏所畏者唇亡故恃明者必察恃剛者必傷此林氏子以是語語我我亦以是語信其醫之良因墨之右方以上截江網

贈醫士

榆花着雨亂飄時是處調虞費上池好試平生醫國手呼盧作五有天知同上

贈談命

術不與今同清名亦可宗學雖精象數妙亦發鴻蒙政自愁旁午胡爲說併衝生來忘利祿祇合問詩窮同上

送詩友歸西湖

詩到西湖漸逼真便當於此老吟身舉頭莫看王侯
面失脚恐爲名利人千載留芳惟好句百年得意總
微塵鑊君姓字中興集留伴梅花歲歲春同上

送友人赴鄉舉

我方治地種秋芳君亦濡毫擬擅場待得君歸醉重
九捷旗如我菊花黃

楊賓言

理宗朝人

挽胡季昭

湛湛長江月高標太華清孤忠千古重去國一身輕
箇事從來有近來多怕行凜然公屹立一死足平生

見象臺首末

羅愚

字季能默子江西崇仁人以遺澤補官除籍田
令補外知興國軍遷湖南提刑理宗時廣西轉
運使自號北林卒年五十七見撫州志

白鷺亭

千古城頭白鷺亭鷺飛長是滿汀如何覽德輝臺
上只有臺存鳳不靈

景定建康志

龍巖寺

直上龍巖第一層參回斗轉夜縱橫試將拄杖敲巖石喚覺蟠龍速起行

撫州府志

儲泳

屬有

題胡琴窗方徑

詩窮推不去終有惡圓心樓倚風烟外琴橫星斗沈
行看花四面坐對竹千尋却笑陶彭澤歸來荒草深

清閟軒

萬竹中央住清心自愛持不除傷砌筍爛洗宿禽枝
影落翻經處聲敲入定時重泥新雪壁留待客題詩

送春

送春歸去後身卻在天涯有夢忘爲客見書如到家
樓空初入燕柳暗欲藏鴉故苑新桃李閒開一度花

聞采石分司芸隱訃

忽聞千里訃涕淚已交橫遽奪英雄去不教功業成
人疑藏六甲天使共長庚惆悵青山夢分明坐兩楹

思歸

客樓高處望獨立對斜暉負郭有田在故山何日歸
秋深楊柳薄水闊鷺鷺飛風景正蕭索何堪聞搗衣

送人遊邊

邊風吹雁至君卻向邊遊正立功名日去防關塞秋
看鶻因撚箭調馬試呈絨奏凱歸時節應須萬戶侯

送兄潮舉

護嫂喪歸於溫陵

老來偏惜別此別更關情水陸三千里舟車一月程
雁聲鄉思遠鸞影旅魂驚楊柳彫零盡無枝可贈行

寄兄玉老

時隨兄秀老往守雷陽

雷陽路迢遙回首亦關心重別因輕諾遠行多近吟
客懷秋色早歸夢嶺雲深莫以書無益人來惜萬金

澱山寺

無路接塵寰中流擁翠寰望中疑有寺游處若無山

過雨行雲溼衝風釣艇還龜邊舊鷗驚心事頗相關

送陳雲崖

出門卽遠道君去有誰令詩價侯門賤時情客路輕
晚雲歸獨樹寒雨暗荒城此地還相別誰能不動情

送盧萍齋

當春雁北飛之子獨南歸寒暑本無定去來應有機
柳煙迷客棹花露溼征衣明月人千里相思消息稀

紅藥

紅藥階前半吐葩露枝已入貴人家不如庭下無名
草一度春風一度花

春日郊行

東風吹著便成花妝點園林賣酒家田野可栽間草木十分春色在桑麻

束藏一

靈竺山前滿徑苔遊春車馬可曾來共君便欲攜尊去一樹海棠花正開

胡定齋惠墨求詩

萬杵元霜玉兔魂刀圭煉就許平分流珠輕滴銀蟾露化作催詩一片雲以上江湖後集

高仁邱

仁邱安福人理宗時以能詩稱嘗采康衢謠以下至唐宋諸詩共七十卷名吹萬集

題鳳林橋

一道長虹跨北河往來灑此涉清波帆從寶相叢中度人向金鼈頂上過此日高車題字少昔年驅石敘功多鳳凰已去無遺響只此江鷗答棹歌

江西詩徵

翁敏之

字功甫樂清人師事陳潛室植以邊賞補官領鄉薦任上饒永豐務調平江塘頭安吉軍庫除

閭門官

遊雁山寄懷二弟

依棲崇儒里咫尺鳥名山奈以紅塵隔因之舉步艱
穿花曉漏徹何如柔者閑廿載爲形役今得拂衣還
自酌龍湫水照映鬢毛斑山靈應誚我對之發赧顏
題彼雙睂令飲啄就清灣

雁蕩山志

林璧

字無逸理宗時黃巖人

題式之詩卷後

少年曾讀石屏詩老去江湖幸見之百倍尋常真足
惜十存八九實堪悲蛙鳴蟬噪人爭羨天巧神功彼

自知我欲流傳天下去爲求完本補亡誰

石屏詩集附錄

李時可

字當可里居未詳劉克莊千家詩載其天寒鴉
欲棲一首

野寺

野寺不逢僧修廊且緩行竹藏雙鶴睡風助一蟬鳴
坐石侵衣冷臨流漱玉清詠歸無限意新月帶星橫

別余司法

欲別愁如結來時眉便開相逢兩無事且盡十分杯
明月今宵共春風幾日回梅花發牆角此際望君來

雪行

天寒鴉欲棲客路尙遲遲泥滑塞驢澀風斜破帽欹
雲藏山斷絕梅苦雪禁持客裏愁無著愁邊卻有詩
題方漕水閣

三間水閣傍溪湄曾倚欄杆此賦詩山色溪光還似
舊惜無詩思似當時

舟中夜聞讀書

臨溪一舍竹疎疎舟過時聞夜讀書姓字是誰何必
問定應不是俗人居

杜鵑花

杜鵑鄉躅正開時，自是山家一段奇。
莫據眼前看易

厭帝城只賣擔頭枝

以上江湖後集

張卿

理宗時人官大理卿與史彌遠不合告歸

失題

小小園林矮矮屋，一日房錢一貫足。
官至正郎子讀書，一妻一妾常和睦。

浩然齋雅談此詩張卿所作張仕至棘卿與史彌遠不合遂不復出矣

姚正子

名夢午一名端禮以字行慈溪人七歲學小戴

禮輒能言其領要年三十六始發解五十遽卒

黃東發誄之見慈溪志

道愛堂

官稱文母儼如臨冰鑑何須清白箴學道正傳遠
脈愛人默契武城心簾垂永晝流疏影琴入薰風奏
雅音芹泮未爲無子羽從知善教入人深

李自中

字文仲盱江人有秋崖吟藁

賓籥萬箇黃雀每棲息其上一昔風雨颶至
忽聞有殺聲呼童眎之乃齙嘴也故爲之賦

黃頭雀

黃頭雀觜交交尾倬倬突然散去雲路邈東村四面
禾黍稠欲下未下驚呼儻牛羊上山雞犬睡翩躚蹙
步來相求日斜深塹有羅網投宿青冥依篠簜沙鳴
羊角轉崕巒蹴踏虬枝猶倔彊誰知簷下息爾軀夜
半懸血逢精餽脣焦舌爛救不得一縷性命才須臾
君不見螳螂捕蟬上高樹企足昂頭忘反顧人生吞
噬更可憐臘月未窮誰悔悟

初夏旅况

南山北山雨濛濛鎖斷翡翠千萬里茅簷剝啄鳥未

散練帶野水來相衝土踏沙草如箭簇冷透簣當清
入骨雷公挾斧渡長河拋擲牟尼三百斛一身蒲柳
寄天涯白雲何處裁胡麻江湖夏潦魚鼈亂錦袍夜
月乘仙槎

麻姑山作

小小茅簷下清吟對此君溪深春漲雨山闊夜藏雲
地溼松花冷天晴樹色分敲門尋道士雞犬隔籬聞
送曾景建道州聽讀

晚節傷弓未足憐江湖因此累諸賢名標宇宙千年
在事屬朝廷萬口傳湘水有情空引些春陵無事早

歸田多年浪說飛昇識不擬如今尙悄然

景建嘗謂余言某年

某月某日曾極飛昇符金篆符譏

飛

南昌樓贈符子威

占得南樓第一涼焚香終日話蒼茫客來酌酒烹茶

外雜採山花供藥王

江湖後集

李賈

字友山號月洲光澤人與嚴滄浪戴復古唱和

題式之詩卷後

矯首天地間淒其望終古前輩久零落斯文日榛莽
戴君天台秀忽向南方來老氣橫九州智次何崔嵬

藻口晚更奇崩騰豁高趣疑是赤城霞飄颻墮章句

白首一孤劍誰人薦子虛有時杯酒間高論傾淮湖

旣有四海名何慚萬鐘樂君看榮與賤千載俱溟漠

石屏詩集附錄

蔡戡

厲有

朱朝宗割愛遺侍兒忘情如此是可尙也因作忘情吟以道哀怨之意

風流漢署尚書郎蛾眉列屋呈新粧中有一人十五
五雪膚花艷傾後房妬寵負恃亦常理何乃棄置行
路傍妾如桃李眩顏色君如鐵石爲心腸惜昔贈君

綠綺琴佳期密意寓乘心白雪陽春世寡和高山流
水誰知音燕子樓中空寂寞鳳凰樓上忍登臨餅沈
簪斷不堪說釵分鏡破何由尋君不見韓退之絳桃
柳枝二侍兒別來柳枝已飛去故作鎮州初歸詩又
不見白樂天小蠻樊素爭取憐晚年樊素欲謝遣因
賦不能忘情篇從來我輩情所鍾綿綿此恨今古同
世間尤物最爲累須信萬事浮雲空二公號爲知道
者未免愛慾傳箇中果能脫去如敝屣自古未有賢
于公料得文君對長卿小窗時鼓一再行幽愁暗恨
欲備寫離鸞別鵠難成聲如君手種堂前柳春風披

拂還輕盈憐新乘舊似淺薄知君未必眞忘情

丁未立春日讀白樂天浩歌行不覺身年四十七之句時方悼亡有感而作

不覺身年四十七此身雖在鬢如霜生平意氣空摧索老去功名付渺茫愁裏不知佳節至尊前那復少年狂梅花紙帳焚香坐感舊傷懷淚兩行

以淮白南京山藥爲子眞太夫人壽卽用前

韵

鵲噪虛簷喜可占奇薰得得出珍奩山儲尙帶中原土淮白仍餘東海鹽北物遠來難再致南烹久飫喜

相兼分甘擬作親庭壽料想齊眉亦共饗

金壇燈市甚盛介卿見招不能往以詩謝之

可憐回首少年強燈夕追遊得許忙老去情懷甘寂寞年來節物轉淒涼出門有礙身如絆異縣相望道且長漫想故人行樂處水晶宮裏醉霞觴

定齋集

戴溥

字伯遠號菊軒理宗時人

次屏翁韵

端居養病喜疎櫺晚興相宜有翠屏對客焚香無可說孕和惟酒少曾醒嚮來雁塔失題字何日燕然可

勒銘但學蘭蓀自孤植肯緣巖隱變幽馨

石屏詩集附錄

戴燧

字明遠號南隱迪功郎

次屏翁韵

幾番樽酒遇書櫺談笑清風起座屏一世猖狂渾似
醉此心明白固長醒英雄自昔難虛老鐘鼎他年要
刻銘若見旁人問消息爲言桂子待秋馨

石屏詩集附錄

戴木

字子榮號漁村葉水心高弟神童之父所著有

漁村集

賀杜清獻入相二首

玉陛傳呼宰相來
歡騰海內翕如雷律身清介
祁公操佐主謀謨如晦才夢弼已知符眾望生賢益信應
三台從容宰席調天紀協氣從頭徧九垓

精公出處繫安危當務何先諒熟思守令近民須選
擇愾王蠹國亟芟夷精蒐邊面三軍帥早建皇儲萬
世基納誨進賢尤素志仁看經濟大猷爲石屏詩集附錄

戴汝白

字君玉號竹巖有竹巖詩稿行世

題曹娥廟

哭得江頭雲氣昏
淚痕多化作潮痕
波心萬古團團月

疑是曹娥一片魂

石屏詩集附錄

戴震伯

字君省號修齋當塗主簿

送趙侯之任

趙侯東南彥遠作西南征驪駒向前路高秋不留行
送以奉林鶴仍吹子晉笙淵淵洞庭湖古月今猶明
流輝千萬里何但光連城懸知有佳惠終始心和平

石屏詩集附錄

戴雨耕

送趙侯之任

送君遠作羊荊州送君西上黃鶴樓漢晉諸公舊遊處斷磈黃葉風雨秋只今塵囪南斗整暇坐列皆

公侯江湖浩蕩青天流清風千古吹棹謳專城分符得召杜見此文彩珊瑚釣請因諫議思岳陽遂歌羽人仍丹邱杜衡吹香結衣珮思與老子同遨遊石屏詩集

錄附

艾可翁

可翁字元憲號蕙山臨川人工文詞善兵法以江萬里薦爲朝請郎賈似道彝逐萬里目爲黨

人遂棄官不復仕有愁吟

山居雜興

老夫晨沐罷還臥看雲行
髮短便巾小衰容怯鏡明
空林存竹意破屋帶泉聲
自喜詩摹外無營夢亦清
青山意自足擾擾復何之
見客從衣破哦詩任飯遲
蔬畦耕犧草匏架落
蟬枝逆境偷貧樂休兵未可期
村落兵戈後江湖几杖前
索居兼屏燕幽夢反宜蟬
茅舍分炊火苔磚出釀泉
家貧思辟穀非是博長年
家兄有和再用韵

隔林看日落出戶對天行
久亂人情變長貧心事明

虹拖城郭勢河濱甲兵聲誰似秋來水能於濁世清
故人在何處清夢或或逢之老樹秋聲早深窗曙色遲
濕螢粘露草驚鳥徙風枝琴破才支臥知無鍾子期
亂離生世晚衰白在人前雲水飛饑鶴山林付亂蟬
自今行黑道人有隔黃泉晷漸秋來短愁長亦敵年

舟中

水月長依夢江天半入詩斷崖雲欲落危岸樹多欹
天曉雁先起舟行客未知雪霜蓬隔斷何得上吟髭

番陽道中

督府春移檄江城晝撤花好書如隔世久客似無家

畏路多言虎荒村半是鴉道逢西北客揮淚問京華
兵火後野望

干戈連萬國邱壑臥三年虎嘯黃芽地鴉屯白骨田
渴虹疑竭海腥霧欲沈天搖落前朝老長懷魯仲連
江村兵火後月色似長淮鼓角連秋思風塵帶客懷
諸公朝漠北一老哭天涯猶幸春陵夜葱葱氣尙佳

漢陽城

漢陽城上望天色欲蒼黃雲去仍清野人稀半戰場
江分青草斷山接白雲長一掬中原淚淒涼對夕陽

釣臺

歸去江頭伸脚眠不煩太史驗星躔一絲千古經綸
在不爲東都二百年

雲臺厯厯紀功臣底事中間有子陵未必故人同臥
處了無一語及中興

子規

舉目山河惱客懷百年前事總塵埃如何愛勸人歸
去倒引南人入汴來

傳聞

力戰奚憂曳落河可憐重鬪亦投戈後來未可輕東
晉雖是清談死節多

題淵明像

漣酒不孤頭上巾醉來萬事等浮塵誰家三徑無松竹肯說昨非能幾人

仕晉何心更仕劉知幾聞早去來休多君不肯腰輕折非爲區區縣督郵

書羅公碑陰

人家落落墮荒邱碑帶苔痕獨字留博陸脊梁扶日月中郎名筆法春秋一杯誰下尋墳馬片石今供礪角牛惟有斜陽閑照管肯隨鴟影上螭頭

次韵臞山順處齋

喪亂踰三載孤高配九秋日方行北陸江不改東流
詩入中年老官逢世變休仲將頭雪白搖落更多愁

春夜

雨挹梨花粉淚香一痕淡月照修廊春來只是尋常
夜惟有杜鵑添覺長

君馬黃

君馬黃我馬驪白玉爲勒絡青絲與君並轡河水渭
河上撲撲楊花飛楊花飛飛送客人生別離良可惜
願君鞭影去遲遲莫學楊花各南北

元宵

偶然散策無尋訪何限傷心強笑歌世味正如春酒
淡市燈不及月華多人生只合且如此國勢遂成無
奈何年少尙裝胡旋舞不知舞破幾山河

次韵徐君載見寄

不必相逢嘯語春本然心跡自相親青山我已臥三
載白社君今與一人亂後事非京國舊雨餘秋共客
愁新躬耕谷口雲應滿何處堪尋鄭子真

淡圃兄生辰有詩次韵

來壽吾兄玉局仙郎君亦自醉頽然亂離難得團圓
日清健何須少壯年投老宦情雲在壑憂時心事日

行天遐齡此去應如鶴蕙帳月寒相對眠

時危安樂是神仙默有扶持豈偶然林下且須堅晚
節尊前未用說明年窮通莫計惟期壽與廢難言賴
有天恨殺瓢蓬白首弟十年風雨別州眠

金山寺前泛舟西下

機春坎坎水潺潺曲折舟行亂石間無數水禽飛不
起杜鵑花滿夕陽山

九日止諸少登高

塵埃漠漠一千里風雨瀟瀟十四陵立得身高愁轉
甚龍山從此不口口以上江
西詩徵

鄭大惠

字子東號谷口黃巖人隱居建山能詩文與杜
清獻範友善著有飯牛集

哀夏孝女

北山有虎何不射豈不聞夏家有女年十五
隨父樵薪入山塢父行在前忽遭虎女見父傷奮不
懼號哭逐虎語逐之不已虎反顧棄其父尸脚下
女曰人言其父死亦苦我言最苦在其女想女無父
虎時眼不見虎惟見父射生戶我今重告汝汝之
生豈無父與母勿謂官差尙猶豫被爾甲弓張爾弩

況虎殺害人多天已
嗚呼虎害人多天若怒天又
何必使渠生下土

黃巖縣志

門下士烏程縣學生員李延達校

宋詩紀事補遺卷之七十四